



PREZIDÊNCIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Loron 27, fulan-janeiru, tinan 2022

Komunikadu Imprensa

Governu promove kampaña limpeza jerál iha territóriu laran tomak

Governu sei promove, aban loron 28 fulan-janeiru tinan 2022, durante loron tomak, asaun limpeza jerál iha nivel nasionál, ne'ebé sei hala'o husi funsionáriu sira órgaun no servisu administrasaun públika nian hotu no apela atu mobiliza populasaun tomak, liuliu organizasaun sira sosiedade sivil nian no eskola sira, hamutuk hodi hala'o limpeza jerál iha fatin públiku sira, iha sira-nia bairru laran no iha sira-nia uma laran.

Kampaña ba limpeza ida-ne'e, hanesan parte ida hodi kombate surtu denge nian ne'ebé Timor-Leste afeta, ho totál kazu ne'ebé rejistu hamutuk 972 no mate ema na'in 18, tuir dadus ne'ebé fó-sai horiseik husi Ministériu Saúde. Dili maka munisípiu ne'ebé afetadu liu, ho totál kazu hamutuk 648.

Ministériu Administrasaun Estatál sei fó-sai ba órgaun no servisu administrasaun públika nian sira, diretrizes kona-ba organizasaun no distribuisaun ekipa sira ba limpeza jerál.

Iha sorumutuk tuirmai, Konsellu Ministru sei delibera kona-ba continuidade husi medida ida-ne'e, nune'e mós kona-ba ninia periodisidade. **REMATA**



Palácio do Governo,
Avenida Presidente Nicolau Lobato,
Dili, Timor-Leste